

G'schiss'n fia mi

Text: Tom Lackner

1. Es is ned leicht, dia des zum song
Doch es liegt ma wos im Mong
Und des kaunn i nimma umanaunda trong
Es reicht ma ... scho laung
Und es platzt ma da Krong
Schdöh jetz' bitte kane Frong!

Es is Zeit fia mi zum Geh'
Wöe du hoitst mi nua r aum Schmäh
Und dass i 'n Schani fia di moch, is jetz' passé
Es reicht ma ... Adjö!
Waunn i bleibat, wa r i eh
Oiwöe nua des letzte Weh.

Und des waa ...

Refr. ... G'schiss'n fia mi,
Und des waa g'schiss'n fia mi
Baba, Mausi, baba!
I bleib liaba r allaa
Wiaht seng, I krieg des scho hi'
Es geht a locka ohne Di.

2. Glaubst, des hüft wos, waunnst jetz' schpinnst?
I bin sicha, dass d' wen find'st
Dea da'n Oasch nochtroggt, en Teschek mocht und mea
Es reicht ma ... so sea
Und Du brauchst mi a ned
So bled auschaun, jetz' is's z'schpät

Host denn g'laubt, daß i mi nua
Auf des Rest'l schtützn tua
Wos'd aun Zuneigung nu übahost zu mia?
Es reicht ma ... und wia
I bin a Woikerl, wiaht seng
Und loss di sitzn do im Re'ng.

Und des is ...

Refr. ... G'schiss'n fia di
Des is hoit g'schiss'n fia di
Leb woi, Schatzi, leb woi!
I find, 's Moß is jetz' vo
Wiaht seng, du kriegst des scho hi'
Es geht a locka ohne mi.

Jo, des is ...

Refr. ... G'schiss'n fia di
Des is hoit g'schiss'n fia di
Adjö, Hasi! Adjö!
Loß mi los auf da Schtöh
Wiaht seng, du kriegst des scho hi'
Es geht a locka ohne mi